

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

ARABAKO BATZAR NAGUSIAK

22/2023 Foru Araua, abenduaren 12koa, Arabako Batzar Nagusien 2024. urterako aurrekontuari buruz

Jakinarazten dut Arabako Batzar Nagusiek 2023ko abenduaren 12ko osoko bilkuran onetsi dutela, eta nik aldarrikatzen eta agintzen dut argitara dadila "Arabako Batzar Nagusien 2024. urterako aurrekontuari buruzko abenduaren 12ko 22/2023 Foru Araua"; aplikagarria zaien herritar guztiek, partikularrek eta agintariek bete eta betearaz dezaten.

Vitoria-Gasteiz, 2023ko abenduaren 12a

Diputatu nagusia

RAMIRO GONZÁLEZ VICENTE

22/2023 FORU ARAUA, ABENDUAREN 12KOA, ARABAKO BATZAR NAGUSIEN 2024. URTERAKO AURREKONTUARI BURUZ

Lehen artikulua

2024 urtealdirako Batzar Nagusien diru-sarrerera eta gastuen aurrekontua honakoa da:

GASTUAK

- Pertsonal gastuak: 3.491.435,31.
 - Gastuak ondasun arruntetan eta zerbitzuetan: 1.216.905,60.
 - Transferentzia arruntak: 2.979.380,08.
 - Kreditu globala eta bestelako ustekabeak: 0.
 - Inbertsio errealak: 34.125,02.
 - Aktibo finantzarioak: 13.100,00.
- GUZTIRA: 7.734.946,00.

DIRU-SARRERAK

- Tasak eta bestelako diru sarrerak: 5.000,00.
 - Transferentzia arruntak: 7.729.946,00.
 - Ondareagatik diru-sarrerak: 0.
 - Aktibo finantzarioak: 0.
- GUZTIRA: 7.734.946,00.

Bigarren artikulua

1. Transferentzia arruntak bi epetan sartuko ditu Arabako Foru Aldundiak: bata urtarrilean eta bestea uztailean.

2. Arabako Lurralde Historikoaren Aurrekontuak gauzatzeko Foru Arauaren arabera, Foru Aldundiak Batzar Nagusiei egingo dien transferentzia "Erakundeekiko Konpromiso" moduan hartuko da, eta hala izanik, kreditu mota horien ezaugarriak izango ditu, eta nolana ere, Arabako Lurralde Historikoaren urteroko Aurrekontuetan gehitzeko moduan jasoko da.

Hirugarren artikulua

Batzarkide-taldeentzako –horien taldekideen kopuruaren arabera– eta aholkularitza teknikoarentzako kopuruaren zenbatekoak honakoak izango dira:

Talde bakoitzarentzako kopuru finkoa: 3029,32 euro hileko

Taldekide kopuruaren araberako kopurua 1.832,69 euro hileko eserlekuko.

Taldeei laguntza teknikoa emateko honako kontzeptu hauek ezarri dira:

A) Mahaikideei laguntza teknikoa emateko kopurua: 91.723,29 euro urtean. Mahaian ordezkariaren bat duten batzarkide-taldek, lehendakariorde edo idazkari gisa, diru-kopuru hori jasoko dute bakoitzarentzat.

B1) Batzar Nagusietan lehentasunez jarduten duten batzarkideentzako laguntza teknikoa eta batzarkide-taldeentzako laguntza teknikoa. Urteko 63.365,13 euroko ordainsari bat ezarri da, honako irizpide hauen arabera:

- Talde mistoak kide bat edo bi izanez gero: Ordainsari bat.
- Hirutik hamar kidera arteko taldek: kide-kopurua 0,75gatik biderkatzearen ondoriozko emaitzaren beste ordainsari; biribilduko da, betiere, ordainsari erdiagatik.
- Hamar kide baino gehiagoko taldeak: aurrekoaz gain, hamarretik aurrerako eserleku-kopurua 0,5 bider egitearen emaitza.

B2) Batzarkide-taldek bozeramaile izendatu duen batzarkidea Batzar Nagusietan baino ezin izango da aritu; kasu horretan, aurreko paragrafoko ordainsarietako bat A) idatz-zatian adierazitakoaren zenbatekora iritsi arte handituko da, betiere B1 ordainsari bat baino gehiago badauka.

Talde batek ez du jasoko duen batzarkideen kopurua baino ordainsari tekniko gehiago (A, B1.).

B2 laguntza teknikoa jaso ezin duten taldek, berriz, taldekako esleipen finkoa edo zenbakizko garrantziaren araberako esleipena gutxitu ahal izango dute.

Funts horiek hilero ordainduko dira, batzarkide-taldeen beste ordainsariekin batera.

Batzarkide-taldek nahi duten bezala erabiliko dituzte kopuruok beraien aholkularitza eta laguntza teknikorako programetan. Hortaz, A) eta B1) ataletan adierazitakoak banaka edo zatika esleitu ahal dizkiete batzarkide jakin batzuei edo Mahaiko ordezkari; eta B1) atalean aipatutakoen artetik bi aholkulari moduan askatasunez izendatu duten pertsona bati esleitu ahal dizkiote.

Edonola ere, ganberak ordainduko ditu zuzenean ordainsari horiek goi kargudunen edo aholkularien ordainsari gisa, eta kostu osagarriak eta dagozkion legezko kostuak Arabako Batzar Nagusien aurrekontuen kontura izango dira, aukeratu denaren egoera pertsonalaren arabera.

Mahaia arduratuko da ganberaren bileretara bertaratzeko eta joan-etorrietarako hartukizunak, ordainsari horiek jasotzeko aukeratutako batzarkideei dagozkienak, egokitzeaz, kontuan izanik horien zenbatekoak eta taldeen arabera egotzitako jarduera.

Laugarren artikulua

Batzar Nagusietako langile-zerrenda honela geratuko da:

- Goi tituludun bat. Legelari Nagusia. A1 Maila. (Idazkaritza Nagusiaren burua).
- Goi tituludun bat. Legelaria. A1 Maila.

- Goi tituludun bi. Itzulpen, zuzenketa eta interpretazioko teknikari. A1 Maila.
- Bi Kudeaketa-teknikari. A2 Maila.
- Sei administrari. C1 Maila.
- Mikroinformatika-teknikari bat. C1 Maila. (Aldi baterako programa).
- Bi mandatari/gidari. C2 Maila.

Ganbararen Mahaiak dagokion lanpostuen zerrenda onetsiko du dagozkion eskuduntzen arabera eta araudiaren 44.1.1. artikuluekin bat etorriz.

Bosgarren artikulua

Euskal Enplegu Publikoari buruzko Legearen 30. artikuluan aipatzen diren aldi baterako lanpostuak honakoak dira:

- Batzarkide-taldeei atxikitutako administrari laguntzaile lanpostuak (bat batzarkide-taldeko).
- Batzarkide-talde bakoitzeko aholkulari lanpostu bat edo bi, izendatuta izango direnean.
- Batzar Nagusietako Lehendakaritzaren idazkaritzan lanpostu bat.
- Batzar Nagusietako protokolo eta komunikazio aholkulari lanpostu bat, Lehendakaritzari atxikia.

Haien ordainsariak ezarriko dira mahaiak onesten duen lanpostuen-zerrendan.

Seigarren artikulua

1. Arabako Batzar Nagusietako funtzionario eta aldi baterako langileen 2024rako ordainsari osoak ehuneko 2 handitu egingo dira 2023ko abenduaren 31n indarrean diren tarifen aldean, eta baimena emango zaio mahaiari Estatuko oinarritzko legedian ezarritakoaren arabera behar diren eguneratzeak egiteko.

2. Aurreko paragrafoan xedatutakoak ez die kalterik egingo Arabako Foru Aldundiak eskumen maila berberetarako ezartzen dituen egokitzapenei, edo ordain osagarrietan egin beharreko egokitzapenei, baita lanpostuen edukiaren eta balorazioaren edo indarreko legeriaren aplikazioaren arabera ezinbestekotzat jotzen diren egokitzapenen ondoriozko aurrekontu kredituetan egin daitezkeen egokitzapenei ere.

Zazpigarren artikulua

Batzar Nagusietako mahaiak beharrezko neurriak hartuko ditu Ganbarako langileen hizkuntza-normalizaziorako planak bete daitezen.

Zortzigarren artikulua

Aurrekontua gauzatzeko asmotan, honako arauak jarriko dira:

- a) I. Kapituluak berez zabaldu daitekeenez, artikulua, kontzeptu, partida eta azpi-partida guztiak Kapitulu mailan lotzen dira.
- b) II. Kapituluaren lotura kapitulu mailan egingo da.
- c) IV., VI. eta VIII. Kapituluaren lotura kapitulu mailan egingo da.

Bederatzigarren artikulua

1. Mahaia da aurrekontuaren gastuak baimentzeko eta erabiltzeko eskumena duen organoa, eta ekitaldian zehar beharrezkoak diren kredituak eman, transferitu, eta aldatu ditzake, eta aurrekontu kudeaketaren funtzio horiek egintza berean egin ditzake; era berean, batzarkideentzako konpentsazio ekonomikoak finkatzeko eskumena ere badu, Ganbararen araudiaren 21. artikuluan ezarritakoaren arabera.

2. Aldizkako edo errepikatzen diren gastuetarako baimena kreditua konprometitzeko kasuetan beharko da soilik; beraz, mahaiak esku-hartzea ez da beharrezkoa hurrengo epemugetan, eta horien ordainketa zuzenean egingo da.

Lehen xedapen gehigarria

2024. urtean aurreikusitako hautaketa-prozesuen ondoriozko gastuei aurre egiteko, tasa batzuk ezarri dira Arabako Batzar Nagusietako langileak hautatzeko deialdietan izena emateko, honako tarifa hauen arabera:

TALDEAK	TARIFA
A1-A2	20,00
C1-C2	15,00

Bigarren xedapen gehigarria

Mahaiari ahalmena ematen zaio eguneratu ahal izan ditzan foru arau honen hirugarren artikuluan adierazten diren zenbatekoak, 2024. urtean funtzionarioen ordainsarrietan izango diren aldaketen arabera.

Vitoria-Gasteiz, 2023ko abenduaren 12a

Lehendakaria
IRMA BASTERRA UGARRIZA